



**LAPORAN LIPUTAN MEDIA HARIAN
RABU 20 NOVEMBER 2019**

BIL	TAJUK KERATAN AKHBAR	KEMENTERIAN / JABATAN / AGENSI
1.	NELAYAN TERPAKSA BEREHAT MUSIM TENGGUJUH, SINAR NEGERI PAHANG, SINAR HARIAN -31	LEMBAGA KEMAJUAN IKAN MALAYSIA (LKIM)
2.	FAMA BEKAL 50,000 KIT MAKANAN, SINAR NEGERI SELANGOR/KL, SINAR HARIAN - 30	LEMBAGA PEMASARAN PERTANIAN PERSEKUTUAN (FAMA)
3.	SYURGA TAMAN AGRO MAEPS, RENCANA, SINAR HARIAN, 21-23	INSTITUT PENYELIDIKAN DAN KEMAJUAN PERTANIAN MALAYSIA (MARDI)

UKKMOA

UNIT KOMUNIKASI KORPORAT
KEMENTERIAN PERTANIAN & INDUSTRI ASAS TANI
(UNTUK EDARAN DALAMAN MOA, JABATAN DAN AGENSI SAHAJA)

TARIKH	MEDIA	RUANGAN	MUKA SURAT
20/11/2019	SINAR HARIAN	SINAR NEGERI PAHANG	31

Nelayan terpaksa berehat musim tengkujuh

KUANTAN - Para nelayan kebiasaannya terpaksa berehat mulai November sehingga Mac setiap tahun berikutan Monsun Timur Laut berlaku.

Pengarah Lembaga Kemajuan Ikan Malaysia (LKIM) Pahang, Rashima Baharudin berkata, ombak besar dan laut bergelora pada bahkan musim tengkujuh di pantai timur juga sinonim dengan musim banjir.

Menurutnya, meskipun pendaratan ikan menurun disebabkan peralihan monsun namun meningkat sekitar September hingga November lalu membantu jumlah bekalan mencukupi.

"Jumlah pendaratan ikan di daerah ini setakat Oktober 2019 mencecah 9.6 tan dengan nilai lebih RM27 juta.

"Jumlah itu mencatatkan peningkatan ketara ber-

banding September dengan jumlah 9.2 tan iaitu pada kadar lebih RM25 juta," katanya ketika dihubungi *Sinar Harian* semalam.

Jumlah itu direkodkan di sembilan Pusat Pengisytiharan (PP) Ikan daerah ini iaitu di Beserah, PP Chera-ting, PP Kompleks LKIM Kuantan, PP Cempaka, PP Pasir Panjang, PP Kuala Pahang, PP Nenasi, PP Rompin dan PP Tanjung Gemok.

Rashima berkata, jumlah tersebut dijangka meningkat pada November namun kemungkinan menurun pada Disember ini berikutan Monsun Timur Laut.

"Nelayan dinasihatkan elak turun ke laut kerana laut bergelora," katanya.

Perbandingan pada tahun 2018 menunjukkan peningkatan tinggi sekitar dua tan bagi tempoh Oktober 2018 dan tiga tan bagi tempoh November 2018.

TARIKH	MEDIA	RUANGAN	MUKA SURAT
20/11/2019	SINAR HARIAN	SINAR NEGERI SELANGOR/KL	30

FAMA bekal 50,000 kit makanan

Serah kepada Nadma untuk diberikan kepada mangsa banjir

MUHAMMAD AMINNURALIFF MOHD ZOKI

DENGKIL

Lembaga Pemasaran Pertanian Persekutuan (FAMA) membekalkan sebanyak 50,000 kit makanan kepada Agensi Pengurusan Bencana Negara (Nadma) yang akan diberikan kepada mangsa yang terlibat dalam banjir.

Pengerusinya, Ishak Ismail berkata, pihaknya diberi kepercayaan oleh Nadma untuk membekalkan kit makanan sejak tahun 2014 sehingga kini.

"Pada 2 Oktober 2019 perbincangan antara FAMA dan Nadma telah diadakan di Pusat Operasi FAMA Dengkil dan dalam perbincangan tersebut, sekali lagi pihak Nadma memberi kepercayaan kepada FAMA sebagai pembekal.

"Satu persetujuan telah dimekarkan secara dasarnya supaya FAMA menyediakan 50,000 kit makanan dan perlu menyediakan stok sebanyak 20,000 bagi penyediaan fasa pertama," katanya pada Majlis Flag



Ishak merasmikan Majlis Flag Off Kit Makanan Nadma ke seluruh Malaysia di Dengkil semalam.

Off Kit Makanan Nadma ke seluruh Malaysia di sini semalam.

Katanya, terdapat beberapa penambahbaikan dari segi pemilihan produk dibuat hasil perbincangan di antara pihak Nadma dan FAMA.

"Bagi kit makanan Nadma 2019/2020, Nadma memutuskan untuk meletakkan produk tambahan seperti beras, garam, serbuk teh dan gula dalam usaha untuk membantu mangsa bencana semasa dan selepas pulang ke kediaman," katanya.

Menurutnya, Nadma telah melibatkan beberapa jabatan dan

agensi sebagai rakan kerjasama dalam usaha menyalurkan bantuan kepada mangsa bencana.

"FAMA telah dilantik dan diberi tanggungjawab sebagai penyedia kepada kit makanan Nadma.

"Proses penyediaan diselenggarakan Bahagian Pembangunan Industri Asas Tani (IAT) di peringkat Ibu Pejabat dengan kerjasama Pengarah FAMA di setiap negeri yang terlibat dengan bencana.

"Kerja-kerja penyediaan kit makanan dijalankan di Pusat Memproses Makanan FAMA Kuala Selangor dan Pusat Operasi FAMA Dengkil," katanya.

Headline	SYURGA TAMAN AGRO MAEPS		
MediaTitle	Sinar Harian		
Date	20 Nov 2019	Color	Full Color
Section	Rencana	Circulation	140,000
Page No	21TO23	Readership	420,000
Language	Malay	ArticleSize	2169 cm ²
Journalist	MAZLINA ABDUL MAJID	AdValue	RM 45,983
Frequency	Daily	PR Value	RM 137,948



SYURGA TAMAN AGRO MAEPS

SEBUT saja Taman Ekspo Pertanian Malaysia (MAEPS) Serdang, Selangor pasti sudah sinonim di benak kita akan lokasinya yang sering menjadi pusat untuk mempromosikan hasil pertanian dan makanan Malaysia.

Ditubuhkan oleh Kementerian Pertanian dan Industri Asas Tani (MOA) untuk menjadi pusat kegiatan dan aktiviti berasaskan hasil bumi, ia seringkali dipilih sebagai tempat pameran utama bagi acara dan aktiviti tempatan serta antarabangsa.

Paling melekat di hati rakyat Malaysia apabila MAEPS sinonim menjadi tuan rumah bagi kejayaan program skala raksasa seperti Pameran Pertanian, Hortikultur dan Agro Pelancongan Malaysia (MAHA) yang diadakan setiap dua tahun.

Taman seluas 130 hektar terletak di atas tanah milik Institut Penyelidikan dan Kemajuan Pertanian Malaysia (MARDI) itu memperlihatkan usaha keras MOA memposisikan kepentingan kedaulatan dan keselamatan

makanan negara, selaras dengan moto 'Makanan Kita Masa Depan Kita'.

Selain tempat pertemuan, persidangan dan pameran, terutamanya berkaitan bidang pertanian dan hortikultur, MAEPS kini kian menjadi tumpuan industri agro pelancongan.

Nyata mendapat sambutan, buktinya Ketua Pegawai Operasi MAEPS, Norafizah Rahman berkata, secara purata kira-kira 60,000 pengunjung yang menjejakkan kaki di MAEPS setiap bulan.

Pada satu sisi, dek kedudukannya dalam lingkungan strategik, Norafizah berkongsi pihaknya mengidamkan MAEPS bakal menjadi ala lokasi popular Central Park iaitu taman bandar terletak di Manhattan, New York City, di Amerika Syarikat.

Melihat potensinya, barangkali bukan mustahil buat MAEPS. Apa agaknya keistimewaan di lokasi taman agro itu? Ikuti perkongsian *Sihat: Aktif* minggu ini.



MS 22 & 23

Headline	SYURGA TAMAN AGRO MAEPS		
MediaTitle	Sinar Harian		
Date	20 Nov 2019	Color	Full Color
Section	Rencana	Circulation	140,000
Page No	21TO23	Readership	420,000
Language	Malay	ArticleSize	2169 cm ²
Journalist	MAZLINA ABDUL MAJID	AdValue	RM 45,983
Frequency	Daily	PR Value	RM 137,948

House of Kambing / MAEPS Ecofarm

KAMI mula 'moredah' MAEPS kali ini dengan mengisi perut di House of Kambing. Bagi pencinta masakan berasaskan daging kambing, jangan lepaskan peluang menikmati hidangan di situ.

Apa kata cubalah hidangan antaranya, daging kambing goreng, nasi goreng kambing, kambing goreng kunyit ataupun sup kambing. Penulis pasti mereka yang

mencubanya akan menaikan ibu jari tangan.

Anda tidak makan kambing? Jangan bimbang makanan berasaskan lauk lain seperti ayam juga ada. Menu untuk si kecil juga tersedia.

Di samping memenuhi selera, bolehlah menjamu mata melihat unta dan 'rakan-rakan' kambingnya yang hanya terletak di padang bersebelahan House of Kambing.



MENU berasaskan kambing di House of Kambing.

Laman herba & Ladang Mini Kelulut

PALING signifikan dengan apa yang ditawarkan sehingga ini di MAEPS ialah empat buah laman pertanian khususnya untuk tanaman herba, padi, nanas dan ternakan.

Usai mengisi perut, salah satu lokasi yang sempat kami kunjungi ialah Laman Herba. Mempunyai gabungan lebih 200 spesies, pelbagai tanaman, ramuan dapur, bunga-bungaan dan utaman yang mempunyai nilai perubatan boleh didapati.

Tarikan tumbuhan berwarna-warni, aroma semula jadi sememangnya memberi kesan terapeutik kepada pengunjung.

Antara menarik perhatian, pokok tongkat ali, kacip fatimah, mekoka dewa, belalai gajah, lampoyang, hempedu bumi, senduduk dan pelbagai lagi.

Padeniah beberapa puluh koloni atau 'rumah' lebah kelulut di Ladang Mini Kelulut ditempatkan di laman itu.

Kami difahamkan, hasil madu yang berbeza adalah daripada hasil bunga dan tumbuhan berbeza yang dihinsip oleh lebah.

Sempat kami merasa pelbagai jenis madu di Ladang Mini Kelulut itu.



PELUANG merasa keenakan madu kelulut asli.



PELAIAR tertarik dengan penerangan diberikan di Laman Herba.

MAEPS tawar kepuasan pengunjung

Lokasi agro pelancongan sesuai bersantai, berekreasi selain penuh informasi

Oleh MAZLINA ABDUL MAJID & AZIMAH GHAZALI
FOTO: SHARIFUDDIN ABDUL RAHIM

SAMBIL menikmati makan tengah hari, kelihatan kanak-kanak bergembira memberi makan dan bermain dengan sang unta. Beberapa ekor kambing turut kelihatan 'memeriahkan' suasana.

Usahkan si kecil, mereka yang dewasa juga teruja. Mana tidaknya, haiwan yang biasa didapati di padang pasir kini berada di depan mata.

Aksi 'manja' kumpulan kambing yang menanti pengunjung untuk menyuakannya dengan makanan mencuit hati.

Ya, betapa lepangnya dada tatkala menyaksikan situasi berbeza itu. Dapat pula menaik menghirup udara yang dikelilingi kejajauan.

Ternyata ciptaan Tuhan seperti haiwan, flora dan fauna mampu membalai kedamaian di hati. Bagi jiwa yang mampu menjadi 'cair' melihat anugerah ILAHI itu, destinasi agro pelancongan barangkali tempatnya. Itu yang dapat kami rasakan tatkala

mengunjungi MAEPS Serdang, Selangor baru-baru ini.

Ketua Pegawai Operasi MAEPS, Norafizah Rahman ketika diwawancara baru-baru ini turut menekankan bahawa lokasi di MAEPS mempunyai signatur yang tersendiri hingga kian menjadi tumpuan.



NORAFIZAH

"Sebenarnya sejak Disember 2017, kita sudah ada unit baharu iaitu Unit Agrotourism. Mungkin belum lagi mencapai tahap seperti di negara jiran, tetapi jumlah pengunjung di MAEPS sudah agak membesar." "Bukan sekadar laman pertanian, ramai ke MAEPS kerana lokasi gastronomi atau tempat makan dan

aktiviti serta kemudahan terdapat di sini," katanya kepada *Sihat: Aktif*.

Pendek kata, menawarkan kepuasan untuk relaks dan menyihatkan di samping beraktiviti buat pengunjung, sesuai ialah ia lokasi terpilih sempena Tahun Melawat Sepang 2020 nanti.

Apa yang menarik di situ? Ikuti perkongsian *Sihat: Aktif* sempena tinjauan di sana baru-baru ini.



PENGUNJUNG ketika melawat ke tapak Laman Nanas.

Laman Nanas

MAHU membasahkan tekak? Apa kata singgah di Laman Nanas yang menyediakan buah nanas segar bersama air dan tat nanas.

Istimewanya, nanas jenis MD2 yang pastinya umpama cair di mulut. Tidak perlu kkuatir lidah berasa merambat

selepas makan buah tropika itu, ia hampir tidak berlaku.

Isinya yang manis tanpa gula, mampu menambah ceria. Jangan puang dengan tangan kosong. Jika tidak, sudah tentu akan terkenangkan akan keenakan rasanya ketika di rumah.

Headline	SYURGA TAMAN AGRO MAEPS		
MediaTitle	Sinar Harian		
Date	20 Nov 2019	Color	Full Color
Section	Rencana	Circulation	140,000
Page No	21TO23	Readership	420,000
Language	Malay	ArticleSize	2169 cm ²
Journalist	MAZLINA ABDUL MAJID	AdValue	RM 45,983
Frequency	Daily	PR Value	RM 137,948



LAMAN padi yang sedang mengkilau ketika kunjungan SihatAktif.

Laman Padi

BUAT warga kota, bukan mudah untuk menikmati pemandangan sawah padi. Namun itu bukan sesuatu yang mustahil di Laman Padi MAEPS.

Beritanya kunjungan tim SihatAktif kali ini apabila berpeluang mengunjungi laman istimewa itu ketika dedaun padi sedang mengkilau.

Biarpun tidaklah sejajanya mata memandang, tetapi sudah cukup membuatkan kami berpuas hati menyaksikan asal makanan ruiji itu.

Ibu bapa yang ingin menunjukkan pokok padi untuk tatapan si anak yang

dahagakan ilmu, bolehlah berkunjung ke sini. Yang pasti, galeri padi di situ dapat memudahkan lagi penerangan mengenai 'pokok beres'.

Dari kaedah tradisional hingga ke moden, semuanya dipaparkan. Sebelum itu, sempat trem dinaiki oleh kami melalui lokasi Rumah Negeriku yang menonjolkan keunikan 13 reka bentuk rumah tradisional tiap negeri.

Pihak MAEPS telah mengambil inisiatif untuk berbincang dengan Kerajaan Negeri bagi 'mengimarhkan' lagi aktiviti di Rumah Negeriku.

G2G Animal Garden (zoo mini)

PASTINYA sekeluarga dapat menikmati pengalaman yang menyeronokkan tatkala berkunjung ke G2G Animal Garden.

Mengenal dan mendekati haiwan dengan lebih dekat malah berpeluang menyentuh haiwan jinak, mungkin menjadi pengalaman manis buat si kecil.

Terdapat Pygmy Goat, kambing jenis kecil dan sangat comel bernama Tengku. Lihatlah secara dekat kambing berasal dari lembah Cameroon Afrika Barat itu. Manja dan jinak serta suka mengusik kanak-kanak.

Sempat juga penulis melewati 'rumah' burung-burung yang jinak, bermain dengan pelbagai jenis spesies kucing dalam 'rumah' dilengkapi pendingin hawa dan arnab yang setia menanti.

Haiwan comel seperti rakun, marmoset (monyet kecil) bertelinga putih, reptilia juga ada di situ.

Bagi si kecil yang mahu mencuba menunggang kuda padi, terdapat khidmat yang disediakan. Kos sekali tunggangan hanya serendah RM5.

Difahamkan terdapat lebih 60 spesies haiwan jinak di G2G.



KANAK-KANAK ceria bermain dengan haiwan yang jinak.

G2G Techno Cafe

KEMBALI lapar selepas seharian penat berjalan, setu lagi

pillhan tempat makan menarik buat pengunjung MAEPS adalah di G2G Techno Cafe yang terletak tidak jauh dari Goat2Go Farm.

Istimewanya di situ adalah hidangan barbeku kambing, selain turut menyajikan kambing golek, lamb chop dan lamb grill. Harga berpatutannya bergantung kepada pakej.

Selain itu, cubalah makan piza pepperoni bersama keju mozarella home made yang ada G2G Techno Cafe.

Memang lain daripada yang lain. Harganya juga berpatutan iaitu pada RM28 untuk piza bersaiz sederhana besar.

SihatAktif sempat singgah dan merasa kedua-dua hidangan dijamin menjilat jari itu. Ternyata berbaloi!

G2G Animal Garden berdekatan dengan G2G Technocafe.

Hidangan makan tengah hari turut disediakan di kafe yang dibuka setiap hari kecuali hari Selasa, dari jam 10 pagi hingga 7 malam itu.



KEJU mozarella home made yang dihasilkan sendiri G2G Techno Cafe memberikan rasa istimewa piza pepperoni yang dihidangkan.



PIZA pepperoni G2G Techno Cafe.



KRU SihatAktif mengambil peluang mencuba khidmat rawatan di Spa @maeps.

Spa @maeps

PENAT dan lenguh badan, singgahlah pula di Spa @maeps.

Kepakaran ahli fisioterapi di situ adalah untuk membantu melalui kaedah perawatan alternatif.

Antara yang istimewa di situ adalah terapi meridian badan dengan gabungan lima teknik urutan. Teraputik refleksiologi juga dihidangkan di Spa @maeps.

Waktu operasinya dari jam 10 pagi hingga 6 petang.

Pun begitu, sebelum datang pastikan membuat temu janji bagi mengelakkan menunggu lama atau tidak berkesempatan mendapatkan servis.

Apa tidaknya, senarai menunggu sentiasa ada pada setiap hari.



ANAK-ANAK teruja di tapak Sukan Berkuda.

Sukan berkuda

Anak remaja dan dewasa dahagakan aktiviti silhat yang lebih mencabar, apa kata ke lokasi Sukan Berkuda, Rubinga Heritage dan Equine Centre - Majlis Ekulin Malaysia di MAEPS.

Sesungguhnya melihat kelibat kegagahan kuda yang tegap dan tinggi di situ juga sudah mampu meningkatkan adrenalin. Cubalah juga menunggangnya, pastinya akan menyimbah aura keberanian berbeza.

Hendak belajar menunggang kuda juga boleh di situ. Pelbagai pakej disediakan.



APA ADA DI MAEPS? ANEKDOT

AGROTOURISM PARK

Terdapat tiga komponen utama iaitu Laman Agro, Agro Recreation dan Rumah Negeriku.

1) Laman Agro:

Terdapat pakej untuk pengunjung sama ada Guided Tour (prebook), Tram Ride (walk-in) atau pakej customised bergantung kepada permintaan pelanggan. Laman Agro MAEPS terdiri daripada laman laman iaitu Laman Herba, Laman Sayur, Laman Padi, Laman Nanas, Laman Ternakan, Laman Florikultur dan Laman Jentera.

Guided Tour - Melawat Laman Herba, Taman Mini Kelulut, Laman Nanas, Laman Jentera, Laman Padi, MAEPS Ecofarm dan Ladang Ternakan (Goat2Go Farm). Di sini pengunjung boleh merasa food sampling, mix soil, bermain dengan haiwan kesayangan dan lain-lain.

2) Laman Agro Recreation

Pelbagai aktiviti rekreasi ditawarkan seperti trek jogging, berbasikal, menunggang kuda, memamah, perkhemahan, joy run, agro hunt dan arbing. Jogging dan berbasikal adalah percuma.

3) Rumah Negeriku

Komponen yang masih dalam perancangan. Menggunakan sepenuhnya 13 Rumah Negeri di bawah Kerajaan Negeri. Antara aktiviti atau pakej ditawarkan adalah homestay, persembahan kebudayaan, makanan istimewa dan produk negeri dan majlis, namun tertakluk kepada kelulusan oleh Kerajaan Negeri masing-masing.

Harga pakej MAEPS Agrotourism Park

Pakej asas Laman Agro: RM45/pax (pemegang MyKad)
Pakej asas Agro Hunt: RM42/pax (termasuk hidangan ringan) @ RM62/pax (hidangan ringan dan makan tengah hari)
Pakej Food Hunt: RM65/pax

Antara tarikan lain diuruskan

- Rakan Niaga MAEPS:**
1. Sukan Berkuda (Rubinga Heritage & Equine Centre - Majlis Ekulin Malaysia)
 2. F&B Outlet / Restoran di MAEPS - MAEPS Bistro, House Of Kambing, Goat2Go Farm, Nasi Kandar Apollo, MAEPS Ikan Sungai & Seafood Restaurant.
 3. Spa @maeps
 4. Taman Mini Kelulut
 5. G2G Animal Garden (mini zoo)
 6. The Nest (berkhemah, berkayak & memamah)

Nafas Cube

ANDAI kata tidak puas meneroka segala aktiviti dan keseronokan ditawarkan MAEPS, menginap saja di situ.

Nafas Cube menyediakan bilik executive khas selesa dan santai dengan dekorasi bilik di dalam kabin.

Harga lebih ekonomi juga disediakan. Bagi yang mahu lebih adventure, boleh memilih hanya memasangkan kemah sendiri.

Terdapat pakej harga berbaloi. Berhampiran Nafas Cube, terdapat sebuah tasik yang tenang, juga lokasi The Nest. Pengunjung boleh berkhemah, berkayak dan memamah di situ.